

中國方志叢書·華南地方·第二八一號

據

清·蘇忠廷修，董成烈纂  
光緒元年抄本

影印

貴州省

# 荔波縣志

(二)

成文出版社有限公司印行

中華民國六十三年六月臺一版

# 荔波縣志

全二冊

發行人：黃 成 助

台北市郵政信箱二二六〇五號

出版者：成文出版社有限公司

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：成文出版社有限公司

內政部登記證內版台業字第一一四七號

秩官

名宦  
職官  
土司

荔波縣志

卷七



荔波縣志

秩官志

荔波舊為蒙皮雷三土司所據明正統間改土歸流而規模狹隘未能盡一清朝設官分職重牧守之權慎邊閭之寄而於苗疆要害尤為鄭重二百年來官斯土者名賢迭出或以惠政顯或以武功著或以清操見或以文學名或殺身以成仁或臨危而赴義古云有德則祀之有功則紀之所以崇其功而報其德也但代遠年湮不無脫簡謹舉所知以俟後之

知者補之志秩官

分三類

一名宦

一職官

一土司

明

名宦

劉邦徵籍貫未詳萬厯中知縣事時隸廣西慶遠府各里苗民  
互相為患凡蒞斯土者皆借寓府城不敢身歷其地習以為  
常號曰化外官邦徵至檄諸苗於前推誠導諭凡有規畫悉  
聽命因詳請置縣治於喇軫村歷任數載威惠甚著至今父  
老相傳猶能道其德政云

清

王家珍江南人進士順治中到任時九阡諸苗不法陷縣城家珍蒞任調請官兵勦洗躬臨前敵削平巨寇以舊城殘廢復請改縣治於方村之襖村在任二十餘載開闢文教尊養耆老民皆頌之

楊以增字致堂山東人道光初到任下車之始增修荔泉書院培植人才居官數年有惠政去後邑人思之立位祀於文廟之名宦祠歷官至河工總督

蔣時淳湖南人道光中兩任縣事首重學校見學宮凋敝捐廉

倡首董率邑紳捐貲萬餘金重修學宮文昌宮規模宏敞足  
為一邑壯觀明禮讓勤農桑恤飢獨省徭役諸善政至今士  
民咸頌賢牧云

職官 元明無考

胡蒼詹籍貫未詳康熙二年到任至蒙石里之水岩村止宿於  
野是夜群苗糾眾劫之與隨行俱遇害後經官兵勦洗附近  
俱族誅

呂 瑛昆明人監生公正廉明為民所頌雍正末年到任以舊

署狹隘倡始改建縣城於蒙石里一切經畫井井有條

陳于中籍貫未詳乾隆四年權知縣事日夕督工建修城垣頗

### 著勤勞

金明基籍貫未詳乾隆三年到任繼事修城未竣能任事

趙世綸籍貫未詳乾隆四年七月到任辦理城工善後各事宜

措置裕如曾至巴乃六林一帶與清江通判邵自勵都勻協

右營守備王焯荔波營遊擊李勛河池州知州孫造南丹土

州莫我謙慶遠協右營守備劉有梅等會勘各處分界處所

勒石為記區畫得宜士民懷之

蔡元陵字經武籍貫未詳嘉慶十七年到任重修聖宮文昌宮書院學署才識明達辦事敏捷時教匪林彪頸等謀叛經武密捕其渠置之法事旋平

武占雄籍貫未詳嘉慶二十二年到任二十四年復任禮士愛民安良除暴人心戴之率紳耆補修荔泉書院親主講席每月親詣院中為諸生講解歷久不倦荔邑文風振興由此李懷春籍貫未詳乾隆中任縣吏治勤慎愛民如子公暇即微

行郊野常與農夫野老談詢民間疾苦事見田疇易者獎之  
無者飭之又或親入街市塾中面試諸童功課必隨在獎勸  
汲引隨身只一小僕未識面者不知為官長云

吳名馨籍貫未詳博學能文工大小書學宮壽字大碑其遺蹟  
也

魯壽松字念叢才識優長素無積牘兼工隸草等書

楊 約籍貫未詳愛民重士政簡刑清

于成保浙江人道光初年到任太醫院吏目出身精岐黃之術

常施藥濟民全活者甚衆

馮紹彭字子齡籍晉未詳道光初年到任尊崇學校值歲饑發廩賑民邑賴以安素性慇直凡有建言不避權貴以卓異任

貴筑首縣

覃武保廣西梧州府潯縣人道光中到任崇儒重道廉慎自持所置多善政至今民不能忘

稀松齡道光中到任

周虞道光中到任

舒文旗人道光中到任

何珽道光十九年到任

謝人龍四川人道光末到任節己愛民有古循吏之風

潘渭春福建人工文章道光末年到任

葉華春福建人道光末到任

嚴鉞字伯牙浙江人工詩能書有幹濟才道光三十年到任

值粵匪亂建議防堵閭邑人心賴以鎮定後因公被議解組  
而歸輿論惜之今佐郡江南以守城有功擢郡守加道銜花翎

吉爾通阿旗人

畢楚珍江南人咸豐元年到任

魏承祝字將侯湖南衡州府衡陽縣人咸豐三年到任值粵匪

朱亞狗逼近邊境四野震動建議立軍需局修碉卡造軍器

編保甲全境恃以無恐思思失守躬親督練越境赴援號令

嚴明有起民間一盜斬以徇亞狗敗遁乃還惜在任未久奉

湖南江中丞奏調回籍從軍旋陣歿至於精書法工詩文

乃其餘事耳

李珍直隸人咸豐四年到任

蔣嘉穀字曉雲咸豐五年到任恂恂有儒者氣象而膽畧過人  
蒞任初九阡苗叛攻城屢擊却之親率兵勇討賊師潰陣沒  
邑人建祠祀之吳德容題其額曰重於泰山

吳德容字廼庵湖南宜章縣人咸豐七年到任強幹精明工書  
法吟咏而尤嫻於戎事在任八年合官民為一體內守孤城  
外當巨寇興學校建考棚以培人才修昭忠節烈等祠以維  
風化延聘名儒尊養耆老頒婚喪禮蠲田賦稅公餘之暇與

諸生雅歌投壺有古名士之風惜其帶疾從戎賁志以歿迄  
今士民思其德輒為之流涕云

彭培垣字嘯臯湖南人同治四年到任修城上竹棚春三月苗  
匪竄至三洞與粵西副將楊廷柱黃仲慶等退之十月苗匪  
攻城招練保全五年春二月賊復圍城四十五晝夜力竭援  
泮池殉難可謂勇矣惜其重優輕士玩寇折糧致城中有羅  
雀掘鼠之慘而城固之以陷不無遺憾云

胡永春字艮山同治五年到任時城新復餓莩盈道瘡痍滿目